



Mohumagadi

ESITERE

MAPULA MARTHA MALATJI
Diswantšho ka Jonanda Kannemeyer

MOHUMAGADI ESITERE

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776475827

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladíswantšho: Jonanda Kannemeyer
Morulaganyi: Elizabeth Phala
Motlanyi: Imprint Publishing

Dikanegelo tša Beibele

TESTAMENTE YA KGALE

PUKU YA ESITERE

Mohumagadi


ESITERE



Mo nakong ya kgale go be go na le Kgoši yeo e bitšwago Xerxes. Mmušo wa gagwe e be e le o mogolo kudu. O be o nabela go tloga India go fihla Ethiopia. Kgoši e ile ya kgetha baetapele go nyaka kgarebe gore e be kgošigadi.

Mmušong woo, go be go na le kgarebe ye botse yeo e bitšwago Esitere. Esitere e be e le tšhiwana yeo e godišitšwego ke motswala wa gagwe Morodekai. Bobedi bja bona e be e le Bajuda. Esitere o ile a išwa mošate wa kgoši gomme a mo kgahliša gomme a thopa kamogelo ya gagwe, eupša ga se a ka a botša motho gore ke Mojuda.

Ka nako yeo, Morodekai o ile a dula kgorong ya Kgoši gomme a kwa bahlankedi ba bangwe ba loga maano a go bolaya Kgoši. O ile a botša Esitere ka leano le, gomme yena a botša Kgoši. Bophelo bja Kgoši bo ile bja phološwa gomme bahlankedi ba otlwa.

A man with a beard, wearing a long yellow robe with a gold belt and a blue and gold striped sleeve, stands with his back to the camera. He is in a grand, ornate hall with high ceilings, arched doorways, and large golden columns. The lighting is a deep blue, creating a dramatic and somewhat ethereal atmosphere. The architecture features intricate carvings and patterns on the columns and ceiling.

Kgoši Xerxes o be a na le moeletši wa bogoši yo a bitšwago Hamani, wa go ikgantšha kudu, a le kgopo. Hamani o be a na le leano la go kweša batho ba Bajuda bohloko, gomme o ile a kgodiša Kgoši Xerxes gore a dire molao wa gore Bajuda ka moka ba fedišwe.

Taba ye ya tshwenya Morodekai kudu. A ya go Esitere gomme a mo kgopela thušo. Esitere o be a tšhogile ka gobane go ya go kgoši ntle le go kgopelwa go ka ba kotsi kudu. Eupša Morodekai a mmotša gore: "Mohlomongwe o dirilwe Kgošigadi ka nako ye bjalo ka ye."

Esitere a ikona dijo, a rapela matšatši a mararo,
a nyaka tlhahlo le tšhireletšo ya Modimo. A
apara diaparo tša gagwe tše dibotse gomme a
ya mošate wa Kgoši.




Ge Kgoši Xerxes a bona Esitere, a thaba. A mmotšiša gore o nyaka eng. Go e na le go botša Kgoši seo e se nyakago, o ile a laletša kgoši le Hamani monyanyeng wo a o lokišitšego. Monyanyeng, kgoši ya botšiša Esitere gape seo a bego a se kganyoga, gomme a kgopela gore ba mo tlatše monyanyeng o mongwe letšatšing le le latelago.

Hamani o ile a tlala boikgogomošo, a nagana gore o bohlokwa kudu ka gobane Mohumagadi Esitere o ile a mo laletša menyanya. Eupša gape o be a hloile Morodekai ka gobane Morodekai o ile a gana go mo khunamela. Ka gona, Hamani o ile a aga kota e telele gore Morodekai a bolawe.

Bošegong bjoo Kgoši a palelwa ke go robala, gomme a kgopela gore direkoto tša bogoši di balwe. Gwa balwa ka tiro ye botse ya Morodekai ya go phološa bophelo bja Kgoši. A nyaka go hlomphe Morodekai. Hamani o be a le ka mošate.

Kgoši ya botšiša Hamani gore go swanetše go dirwa eng go hlomphe motho yo a kgethegilego. Hamani, ka ge a be a nagana gore Kgoši e be e bolela yena, o ile a šišinya monyanya wo mogolo. Hamani o ile a makatšwa ke ge kgoši e ile ya laela Hamani gore a hlomphe Morodekai go e na le moo.





Nakong ya monyanya wa bobedi,
mafelelong Esitere o ile a utolla
kgopelo ya gagwe. A botša Kgoši ka
taelo ye e šiišago kgahlanong le batho
ba gabo gomme a kgopela maphelo
a bona. Kgoši ya galefela Hamani ka
ge a mo forile, gomme ya laela gore
Hamani a otlwe.

Mafelelong, batho ba Bajuda ba ile ba
phološwa. Hamani a otlwa, Morodekai
a hlompšha. Sebete le tumelo ya Esit-
ere di ile tša phološa batho ba gagwe
masetlapelong.



Thapelo

Morena yo a rategago, le ge dilo di bonala di sa kgonege, ke kgopela o nthuše go rapela le go go tshepa gore ke hwetše bohlatle le tlhahlo.

Dipotšišo

1. Mmasebotsana yo a kgatlhilego kgoši e be e le mang?
2. Go ya ka wena, naa mmasebotsana o be a kgatlhile kgoši ka ditebego tša ka ntle fela?
3. Go ya ka Esitere, naa go ba sephiring le Modimo go a thuša?
4. Bophelo bja kgoši Xerxes bo pholositšwe bjang?
5. Naa o rata ditiro tša Morodekai ka moka? Goreng o re bjalo?
6. Ge o ka hloya motho bjalo ka Hamani a dirile, naa o tla feletša gabotse? Goreng o re bjalo?

Mantšu a maswa

Tšhiwana = motho wa go hloka batswadi

Motswala = ngwana wa malome

Ntšhang Lehloyo Metseng!

Kgalekgale motseng wa Mphorogotlho go be go na le mafula a magolo ao e tšerego matšatši a mahlano ntle le go ema. Batho ba tšewa ke meetse. Ngwanenyana Sebotsana le yena a loba batswadi. Sebotsana le malome wa gagwe Eliya ba ile ba phologa, eupša ngwanenyana a gobala mokokotlo, a sepela ka kolotšana ya digole. Ba be ba sa tšwe Afrika Borwa, polelo e be e fapane. Ba išwa moagong wo o sa dirišwego motseng go dula gona.

Sebotsana a išwa bookelong. Baoki ba mmotšiša gore o tšwa kae. Ba bangwe ba mo swara gampe ka ge e be e le mošele. Sebotsana a lemoga gore sepetlele e be e le sa kgale, le diaparo tša baoki di tšofetše. A ipotšiša gore naa se ke sona se dirago gore ba se thabe?

Ka morago ga nako, Eliya a hwetša mošomo wa bomakhenikhi. O be a tseba le go roka. A ruta Sebotsana. A mo ngwadiša sekolong sa mouwe. Letšatšing la mathomo, bana ba sekolo ba bitša Sebotsana ka maina a go mo kwera. A nyama kudu. A tlogela sekolo a tšwela pele a roka.



Moragonyana, Eliya a kwa rading gore sepetleleng sa lefelong leo go nyakega diyunifomo tše diswa tša baaki. A leka go hwetša baroki ba go thuša. Eliya a fetišetša ditaba go Sebotsana, ke ge a ya sepetlele go bona gore a ka dirang. Ge a fihla, baaki ba bangwe ba be ba sa mo theetše. A tšea diaparo tše dingwe tša mošomo wa gagwe go ya sepetlele. Bontši bja baaki ba rata mošomo wa gagwe.

Motseng woo go ile gwa kgobokana sehlopha sa masogana ka maikemišetšo a go gobatša Eliya le bašele ba bangwe. Ge Eliya a be a lokiša dikoloi, a kwa gore bašele ba a rakwa mošomong. Kapejana a lahlegelwa ke mošomo. Ge Sebotsana a ekwa ka taba ye, a begela baaki ba go bego ba mo loketše.

Baaki ba thoma go ipelaetša kgahlanong le boitshwaro bjo, ba bolela gore batho ba maleme le dinaga ka moka ba swanetše go hwetša thušo, ba swarwe gabotse ka tlhokomelo.

Nakong ye, Sebotsana o be a rokile diyunifomo tša baaki, tša bomakhenikhi le tša bana ba sekolo. Ge Eliya a iša diaparo tšeo, batho ba thoma go bona gore Sebotsana le Eliya ba tšwela pele go šomiša bokgoni bja bona bja go thuša motse le ge ba kile ba swarwa gampe. Sebotsana ka morago a nyalwa ke yo mongwe wa dingaka, ba šoma mmogo go kaonafatša sepetlele le sekolo.



Thapelo

Tate wa rena wa magodimong, re leboga ge o file yo mongwe le yo mongwe dineo bophelong. Re rute go fa bangwe lethabo ka tšona.

Dipotšišo


1. Ke eng se se fedišitšego maphelo a batswadi ba Sebotsana?
2. Naa re swanetše go kgetholola batho ka polelo? Goreng o re bjalo?
3. Ke eng sa go laetša gore Eliya o be a tlhokomela Sebotsana?
4. Naa Sebotsana le Eliya ba thušitše bjang batho ba motse?
5. O ka kgetha eng gareng ga mošomo wa go roka le wa go lokiša dikoloi? Goreng o re bjalo?

Mantšū a maswa

Latlhegelwa = senyegelwa

Mafula = meetse a mantši

Mohumagadi Esitere ke ye nngwe ya dipuku tše 20 tše di bontšhago dikanegelo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku_1



Puku_2



Puku_3



Puku_4



Puku_5




Puku_6



Puku_7




Puku_8




Puku_9




Puku_10



Puku_11




Puku_12




Puku_13



Puku_14




Puku_15



Puku_16




Puku_17



Puku_18



Puku_19



Puku_20

Mohumagadi Esitere

Pukung ye, re tla ithuta ka moo ngwanenyana wa MoJuda yo a ikokobeditšego a ilego a ba Kgošigadi ya Mmušo wo mogolo. Re tla ithuta gape ka fao yena le malome wa gagwe ba phološitšego bophelo bja Kgoši, le ka fao ba pepentšhitšego leano le lebe la monna wa go nyaka go otl batho ka moka ba BaJuda.

Ntšhang Lehloyo Metseng!

Kanegelong ye, re tlo ithuta ka ga Sebotsana, yo a lahlegetšwego ke batswadi nageng ešele. Re tla ithuta ka moo batho ba maleme ka moka ba nago le dimpho tšeo Modimo a ba filego tšona, le gore motho yo mongwe le yo mongwe o swanetše go amogelwa, go sa šetšwe gore o tšwa kae goba setlogo sa gagwe ke sefe.



9781776475827

Sepedi